

靈寶領教濟度金書卷之七十七

同徵高士開光教苦真人齊金真校

靈寶通玄弘教水南先生林靈真納

科儀立成品生神

午朝行道表

各禮師存念如法

宣衛靈呪

丹靈朱火 炎霞激風 赤輪剛運 天光八衝
透威包羅 交變萬方 流金豁落 群魔滅蹤
辟軒破妖 明耀元功 金符召制 躡雲策龍
謠歌慶會 散花太空 神化冥運 四極安隆
伏御帝前 罔有不恭 和與道合真

鳴法鼓二十四通

發爐

无上玄元太上虛无道君召出臣等身中三
五功曹左右官使者侍香金童傳言散花玉
女五帝直符直日香官各三十二人出出者
嚴裝關啓玄壇天帝神君當召此間土地里
域真官正神急上關啓臣今奉為人意以今
臨午陞壇行道願得

靈寶自然生神妙炁下降流入臣等身中令

巨所啓速達徑御

虛元大道九天元皇玉帝御前

請稱法位

具位奉行靈寶生神妙齋法事小炁巨某與

臨壇官衆等謹同誠上啓

虛元自然无極大道元始天尊玉晨元皇道
君萬變混沌玄元老君高上玉皇昊天上帝
三寶丈人三寶帝君九天應元雷聲普化天
尊無上九天生神上帝元父真母元皇帝君
三十六部尊經玄中大法師玉輔上宰四協
侍宸飛天神王九天真衆三界應感一切真
靈巨聞玄黃真位凝萬物於九霄雲錦開囊
敷神章於四輔玉佩昭晨燈之妙金璫朗紅
映之玄三系流精萬神聖樂上葆胎仙之粹
下迴遊奕之靈乘晨希陽超黑風而過死戶
飛玄變化駕碧空而復生根是為无極之神
鄉豐淪有形之宿累巨等太陽耀質中土稟
生佩八會之芝圖按九光之藥簡紛葩涉迹
昏黎棄於乃圭泉石馳神慨系掄於方寸乘

非履過懼滓天常弘道憲天盡宣帝澤既奉
詞旨敢不上聞

宣詞

按如詞言哀惋激切巨聞陽光煥赫萬天拱
仙聖之都陰景冥迷六洞號鬼神之府惟人
稟命親物最靈自客塵雲擾於形神莫超陽
界致業垢煙迷於精神遂墮陰鄉非依三炁
之返魂曷免千齡之輪轉巨今齊主某痛念亡
故奉命元陽失靈帝飛奔四大支離散天魂
於眇莽百關消化沉地魄於幽窅冥冥夜壑
以誰憐戚戚寒庭而孰憐三途極目五道驚
心故瑤壇崇饗帝之儀而玉範備顯天之敬
紫煙上下佩琛振響於玄虛翠葆後先輔展
低回於碧落寶花四雨均賴九成觀善應之
孔昭期真忱之默契恩周幽顯澤洽人天以
今臨午行道請法衆等運茲初檢上香
願此香煙騰空徑上供奉
無上至真道寶巨等皈身皈神皈命首體投
地仰依
太上三尊願以是功德上祝

社稷尊靈宗祧先聖棲真玄極整品清虛凝
旌侍金闕之尊垂休實祚御蹕朝玉京之聖
衍慶金枝邁景運於劫千並太和於三五今
故燒香自皈依

道尊大聖眾至真之德得道之後保天長存

和與道合真

以今臨午行道諸法眾等運蓋二拾上香

願此香煙騰空徑上供養

无上至真經寶_臣等皈身皈神皈命首體投

地仰依

太上三尊願以是功德歸流齋主所薦亡靈
普及幽冥冤親平等伏願性天徹朗覺地澄
虛業山摧萬仞之峯晨陽照映定水止千尋
之浪祖炁回運升步武於霄衢陰聲獻於世
澤今故燒香自皈依

經尊大聖眾至真之德得道之後升入无形
和與道合真

以今臨午行道諸法眾等運蓋三拾上香

願此香煙騰空徑上供養

无上至真師寶_臣等皈身皈神皈命首體投

地仰依

太上三尊願以是功德歸流九州萬國五道

三遠舊典新因孤魂滯魄垂願慈雲流潤法

雨含滋幽關開塊圯之春疾除罪薄寒谷啟

融怡之旦落滅惡根升碧落以證真汎綠羅

而躡景今故燒香自皈依

師尊大聖眾至真之德得道之後永處福旋

和與道合真

禮方 儀方 命魔

步虛 三格 三禮

重稱法位

具位奉行靈寶生神妙齋法事小兆_臣其與

臨壇官眾等謹同誠上啓

虛无自然无極大道元始天尊玉晨元皇道

君萬變混沌玄元老君高上玉皇昊天上帝

三寶丈人三寶帝君九天應元雷聲普化天

尊无上九天生神上帝元父真母元皇帝君

三十六部尊經玄中大法師玉輔上宰四協

侍宸飛天神王九天真眾三界應感一切真

靈_臣聞三寶開闢演金書而裁萬有九清布

化敷玉篆以拯群靈惟蒼赤青綠黃白紫碧

黑之結形實胞胎魂魄藏府景神之備體

從无入有唱恭奉以監生返陰還陽得幽冥

而度死至哉化育大矣生成_臣等道運欣逢

玄樞快覩奉天符而濟物宣帝化以逢春重

念亡故其學積生生懲禁劫劫從心猿而喪

本輕慢三元奔意馬以焚和傷殘五炁下違

地理上逆天文中千人紀之常旁忤神靈之

正蠅營狗苟逐名利以爭馳兔走鳥飛惘形

神而罔覺一朝淪溺九夜凄涼莫登南上之

生名惟結北都之死籍浮沉異趣往返業輪

非帝真密確於陽精則性識曷超於陰滓庸

嚴達宇恭飭芝壇象葵膏以白中潔蘋繁而

事上伏冀恪從民欲俯賜天休窮嗣畢鬱絕

之區靈光翳藹極洞淵剛澤之境道亦羅敷

超演漢之苦魂登虛无之樂界五行返復二

景周流聚精會神和合而胚胎有始還淳返

朴道遙而塵劫无終陰消考訟之虞陽衍雲

仍之祉齋主其千愆氷釋萬福川增慶雲疑

庭户之華春回福地察月映簾籠之景日永

壹天茂詩禮以自特蔭屋身而俱潤天倫有序人事無憂上願三境輝華二儀呈泰龍圖衍瑞鳳曆延祥雲蔭八邇絕烽煙於榆柳風清九軌挹甘露於桑麻山樓谷汲而咸味道腴川泳雲飛而普全生意九幽昭安萬類惟和則上明

天壽大慈之化下副臣等皈嚮之誠謹啓以聞

發願

- 一願大道澹泊虛無安閑空寂澄清自居廣開法門教導頑夫皆蒙惠澤精苦自修預以同學普得昇虛與天相保長存無憂
- 二願諸天結炁澄清高虛廣覆保真固直氣候調節四運和平國安民豐普天閑寧廣濟一切惠達有生保天長存億劫不傾
- 三願土地覆載無窮安平不陷海淪不崩保鎮家國兆民具從養生安死惠周十方木稼滋植營運日豐咸得覆載萬類皆從
- 四願日月二景高明無有字蝕虧盈安清光照諸天洞消暗冥保固劫運世祚和平普

加潤澤惠灑眾生
五願星辰與日齊光轉燭照耀朗映十方各安其位經緯直行保鎮家國無有災傷四海寧一普天與昌

六願四時隨節推遷景氣和調無有災患疫毒消滅普天安平五谷豐熟國富民歡
七願得雲結氣聚煙飛空高澄蔭覆玄玄隱則無為散則彌天神仙同居結友衆真惠流一切與國愛民普濟群生人同劫年

八願風雨流灑無窮普加施泄受其發揚萬物滋生國儲民豐
九願五嶽各安其方巍巍包藏長為仙官安鎮國祚保天無終護度一切莫不仰宗
十願江海蕩蕩無極含容恢廓無細不植淵奧柔惠潤加孺息天人獲慶年同劫石

十一願帝王國土日昌四鎮安睦兵革不揚天人歌唱吉應來翔敷教濟濟成化揚揚兆庶稱慶長樂未央
十二願蝗飛蠢動已生未生咸蒙安全普得生成皆見元氣受陽之形草木菓林經冬

不零一切濟度靡不鮮榮和與道合真

復爐

香官使者左右龍虎君侍香諸靈官當今臣午朝行道之所自然生金液丹碧芝英百靈衆真交會在此香火爐前臣學道得道求十四仙得仙齋主受福幽顯沾恩十方仙童玉女侍衛香煙傳臣向來所啓遠達徑御虛无大道九天元皇玉帝御前

出戶

靈寶領教濟度金書卷之七十七